

塵垢品第二十六 十有九章

塵垢品者。分別清濁學當潔白無行污辱。

生無善行	死墮惡道	住疾無間
到無資用	當求智慧	以然意定
去垢勿污	可離苦形	慧人以漸
安徐稍進	洗除心垢	如工鍊金
惡生於心	還自壞形	如鐵生垢
反食其身		
不誦為言垢	不勤為家垢	
不嚴為色垢	放逸為事垢	
慳為惠施垢	不善為行垢	
今世亦後世	惡法為常垢	
垢中之垢	莫甚於癡	學當捨惡
比丘無垢	苟生無恥	如鳥長喙
強顏耐辱	名曰穢生	廉恥雖苦

義取清白	避辱不妄	名曰潔生
愚人好殺	言無誠實	不與而取
好犯人婦	逞心犯戒	迷惑於酒
斯人三世	自掘身本	人如覺是
不當念惡	愚近非法	久自燒沒
若信布施	欲揚名譽	會人虛飾
非入淨定	一切斷欲	截意根原
晝夜守一	必入定意	著垢為塵
從染塵漏	不染不行	淨而離愚
見彼自侵	常內自省	行漏自欺
漏盡無垢		
火莫熱於姪	捷莫疾於怒	
網莫密於癡	愛流駛乎河	
虛空無轍迹	沙門無外意	
眾人盡樂惡	唯佛淨無穢	
虛空無轍迹	沙門無外意	
虛空無轍迹	沙門無外意	

世間皆無常 佛無我所有